



Claudii Fleurii Abbatis Historia Ecclesiastica

Ab anno Christi 1644. usque ad annum 1651

Fleury, Claude

August. Vind. [u.a.], 1779

VD18 90119177

§. 62. Capitalis actio adversus Carolum I. Angliæ Regem instituta.

[urn:nbn:de:hbz:466:1-67359](#)

„que celebrantibus maximæ Indulgen- Sæc. XVII.
„tiæ conceduntur: & cavetur sub pœ- A. C. 1649.
„nis excommunicationis majoris latæ
„sententiæ, privationis vocis activæ &
„passivæ in quibuscumque electionibus,
„& inhabilitatis perpetuæ concionandi,
„legendi, docendi, seu interpretandi
„ipso facto, & absque alia declaratione
„incurrentis, ipsique sanctæ Sedi Apo-
„stolicæ reservatis, ne quis audeat libris
„conscriptis asserere, eos hæresis labe
„pollutos esse, aut peccare mortaliter,
„qui profitentur Divam Virginem abs-
„que peccato originali fuisse conceptam,
„vel Festum Conceptionis ejus celebrant,
„aut tales libros editos, apud se tenere
„pro veris, utpote a Sede Apostolica
„reprobatos & damnatos, aut inter
„privata colloquia dicere, eam pecca-
„tum originale contraxisse. „

§. LXII.

*Capitalis actio adversus Carolum I.
Angliæ Regem instituta.*

Prima hujus anni auspicia Catastro- Brach. hist.
phen Carolinæ tragœdiæ imposue- temp. l. 7.
runt in Anglia; postquam enim Caro- Rusworth.
lus Rex ex Viacomensi carcere ad Vin- Vol. VII.
desoriensem fuerat translatus, inferio- pag. 1379.
ris Curiae Senatores in id unice incum- Jæger. hist.
bebant, ut opportuna excogitarent me- Eccl. l. 9.
dia, cap. 5.

Sæc. XVII. dia, quibus Regem suum juxta pri-
A.C. 1649 mævas Regni leges, & justitiæ formam
morti adjudicasse crederentur; præpri-
mis ergo ex Bellici Senatus decreto
solum Hamiltonum Ducem, amotis
ceteris omnibus domesticis, pro Regis
obsequio nominarunt, postea die sexta
Januarii selegerunt quosdam, quibus
judicūm, qui Carolum Regem vel' ab-
solverent vel damnarent, nominatio com-
peteret: Hunc in finem Westmonasterii
in Ecclesia solemne celebrarunt festum,
ad grande hoc opus necessaria a Deo
lumina impetraturi, atque inter eos
Hugo Petersus(*) saxeæ frontis Histrio,
ex Independentium Prædicantium im-
pudentissimus, fædissimus Adulter, im-
purissimus Scurrā, & ob publica scelera
Cantabrigæ virgis cæsus ad medium
Ecclesiæ progressus, coram Parla-
mento ibidem congregato alta voce ita
exclamavit: *præmisso maturo conscientiæ*
meæ examine divinitus agnovi, quod inter
Tribunos ac Cromwelliani exercitus milites
plusquam quinque millia, omnes sancti,
omnino puri, & æque digni sint eadem su-
perna felicitate, qua Beati in cœlis cum
Deo omnipotente fruuntur. Postea in
faciem

(*) Hic idem Præco Nobilem Virum suis
calumniis exulare coegit, ut libere ejus uxore
ad libidinem abuit posset.

faciem prostratus, profusis lacrimis, Sæc. XVII.
elevatisque manibus nomine populi A. C. 1649.
Anglicani inferioris Curiæ Senatores,
tanquam supremæ potestatis Depositati-
rios obnixe implorabat, ut adversus
famosum Barabbam Vindesoriæ deten-
tum scilicet Carolum Regem sœvirent,
eoquod ejus supplicium omnes San-
ctos honoraret, & Anglii populi libe-
ratio per exercitum promota infinites
magis miraculosa esset, quam illa filio-
rum Israel a Moysi supremo eorum
Legislatore facta: Præmissis ejusmodi
Iudis sacrilegis Senatores novum tri-
bunal, quod *Supremam Iustitiae Curiam*
appellabant, adversus Regem suum
erigunt, ac præter Fairfaxum, Cron-
wellum, Iretonum, Wallerum, &
Gkipponum, alios adhuc centum qua-
draginta quinque Judices eligunt, una-
omnes aut factiosissimos homines, &
truculentos milites, in Regis excidium
jam antea conjurantes, aut cerevisia-
rios, aurifabros, mechanicos, Sub-
hastatos, obliguritores, & Scortatores,
qui tamen a suæ sectæ Magistris sancti
audiebant. His Senatores plenam de-
dere potestatem fistendi, audiendi, ju-
dicandi & morte plectendi Carolum
Stuartum suum Angliæ & Scotiæ Re-
gem. Postquam igitur Parliamentarii
ex Westmonasterensi Templo ad Cu-
riam

Sæc. XVII. riam reversi fuerant, unanimi suffragio
A.C. 1649. decreverunt, ut nulla mora contra

Regem judicii acta instruerentur,
& sententia in eum pronuntianda
confestim executioni daretur: His ita
stabilitis Cromwellus illos, quos adhuc
tergiversari suspicabatur, ad crudele
facinus variis commentis & artibus sti-
mulavit, ipsusque coram Parlamento
hæc retulit, „summa cordis mei inge-
„nuitate, totoque spiritus fervore ad
„Deum preces meas ingeminabam sup-
„plex, ut mihi necessarium concederet
„auxilium, quo cognoscerem, an Re-
„gem Angliæ folio restituere expediret.
„Incæperam preces meas sine ullo de-
„bilitatis sensu, repente tamen linguam
„meam palato tam arcte agglutinatam
„deprehendi, ut ne ullum quidem ver-
„bum proferre potuerim: hoc successu,
„primo quidem attonitus hæsi, mox
„tamen e Templo egressus, linguam
„pristinæ volubilitati redditam sensi,
„ac libere verba facere potui: ex pro-
„digioso hoc eventu fat luculenter co-
„gnovi, quod Deus a Carolo I. sceptrum
„& Regnum auferre, eumque repro-
„bis accenseri velit.“ Vix hic im-
postor sermonem absolverat, cum illico
juvencula quædam a suis parentibus
instigata Curiam accederet, & post va-
rias horrendasque corporis contorsiones

decla-

declararet, quod Dei jussu, ac secreto Sæc. XVII.
instinctu Parlamentum in suo Regem A.C. 1649.
trucidandi, ac supplicium maturandi
proposito firmare cogeretur. Ita nem-
pe sicarii hi perduelles ad honestandum
parricidium suum omnibus sæculis &
gentibus execrandum ipsam etiam Dei
auctoritatem sacrilego ausu profanare,
eaque abuti non reformidarunt.

Eadem die Senatores decretum de
Curia recens erecta, plenaque facul-
tate Judicibus commissa tertio prælegi
jusserunt, spe concepta, illud absdubio
a Procerum Curia acceptatum iri:
Huic autem decreto sequens præmit-
tebant exordium; „Notum est omni-
bus & singulis, quod Carolus Stuar-
tus Angliæ Rex ejusque Prædecessores
„non modo jura & populi libertates
„usurparint, sed insuper Carolus leges
„fundamentales, & Anglicæ Nationis
„libertates evertere, earumque loco
„arbitrarium, & Tyrannicum regimen
„invehere, detestando consilio machi-
„natus sit, atque ad propositi sui exe-
„cutionem præter plura alia pessima
„media insuper Parlamento cruentum
„intulerit bellum, ex quo Regnum fer-
„ro flammaque misere devastatum fuit,
„exhaustoque publico ærario, & com-
„mercio penitus interciso multa homi-
„num millia gladio, innumerisque aliis
„calamis

Sæc. XVII. „calamitatibus perierunt. Equidem
A.C. 1649. „propter hæc crimina Rex merito se-
 „veræ castigationi subjici potuisset; ni-
 „hilominus Parliamentum, cuius pote-
 „stati Rex per Dei providentiam tradi-
 „tus est, ejus captivitate hisce Regni
 „tumultibus tandem finem imponi spera-
 „verat, ac propterea capitali judicio
 „eum damnare distulit. Quoniam vero
 „fatali experientia compertum habuit
 „hac clementia Regem, ejusque com-
 „plices ad urgenda perversa & peri-
 „culosa sua consilia, necnon ad exci-
 „tandos novos tumultus, novasque
 „rebelliones, & exterorum irruptiones
 „potentius stimulari, hinc ad præca-
 „venda majora mala, & ne deinceps
 „aut ex Tribunis vel Magistratibus po-
 „tentiores Nationem Anglicam nequi-
 „ter & seditiose in servitutem redigere
 „præsumant, Parlamenti auctoritate
 „decreatum est, ut Thomas Fairfaxius,
 „Oliverius Cromwellus aliique in De-
 „putatos, & Caroli Stuarti Judices
 „nominarentur &c., Hoc decretum
 die duodecima Januarii inferioris Cu-
 riæ Senatores ratum habebant, mini-
 me dubii, illud pariter a Procerum Se-
 natu approbatum iri: cum autem præ-
 ter novem, ceteri omnes, ne cruentis
 inferioris Curiæ consiliis suffragari te-
 nerentur, e Senatu discessissent, san-
 guina-

guinariū hoc decretum unanimi Pro-Sæc. XVII.
cerum consensu rejectum est: quo com- A. C. 1649.
perto perduelles Senatores contra Re-
gni leges declararunt, quod insuper-
habita Procerum oppositione Curiæ in-
ferioris Patres ceterique nominati Ju-
dices adversus Regem demandatam ju-
dicandi potestatem exequi possent: Nec
his contenti erant hi Sicarii, sed insu-
per amotis, quos æquiores fore suspi-
cabantur, sex Senatoribus alios sibi ad-
dictos elegerunt, & barbari hujus Ju-
dicii Præsidem nominarunt Joannem
Dradshawium, obscuro loco natum,
decoctorem, & rabulam, frontisque
effrictæ hominem, ac nequidem inter
suæ sectæ Viros ullius pretii. Ejus-
modi hominum impulsu Curiæ inferio-
ris Senatores, qui independentium se-
ctam profitebantur, unanimi omnium
suffragio decrevere. I. Supremam po-
testatem ex primæva sua origine in po-
pulo residere. II. Nationis auctorita-
tem penes Curiæ inferioris Patres in
Parlamento congregatos esse, eoquod
hi ad repræsentandum populum electi
forent. III. Quidquid hi tanquam le-
gem proposituri essent, vim legis ob-
tinere, ac populum eis parere obstri-
ctum esse, etsi Rex & Proceres dissen-
tirent. Adversus hæc decreta ad e-
vertendam Monarchiam, & invenien-
Hist. Eccl. Tom. LXI. Qq dam

Sæc. XVII. dam Rempublicam excogitata vehe-
A. C. 1649 menter reclamabant Proceres, ipsi e-
tiam Presbyteriani & Scotiæ Deputati
cuncta adversus Carolum Regem &
Parlamentum attentata tanquam irrita
declararunt, priusquam Scotorum Na-
tio desuper pronuntiasset. Ordines
quoque Belgii foederati per Oratores
suos saltem specietenus intercessere, ac
Nobiles Angliæ prece & pretio rem e-
gerunt, seque pro vita & incolumitate
Regis obsides, sponsoresque obtulerunt:
Princeps etiam Carolus, ut Patri pe-
riclitanti succurreret, nullum non mo-
vebat lapidem, ipse quoque Anglicanus
populus ad tam crûdele facinus
fremebat: Inde vero magis ad iram,
rabiemque concitabantur perduelles
Sicarii, qui etiam publico edicto om-
nes & singulos, si Regi quoddam cri-
men imputare possent, illico denuntiare,
& coram judicibus comparere jufse-
runt: postea omnes sanctiones & de-
creta nomine Regis facta deinceps pro
irritis haberi, & Curiæ sigillo hæc
verba, Anno 1648. *Anglicæ liberationis*
per *Dei misericordiam primo insculpi præ-*
ceperunt, demum vero ipsum Carolum
Regem Vindesoria ad ædes S. Jacobi,
& inde Westmonasterium ad Cottoni
Equitis domum abstraxere.

§. LIII.

